

盤洲文集

九

欽定四庫全書 欽定文獻通考卷第十六

禮部考 卷第十六

禮部考

禮部考

禮部考

禮部考

禮部考

禮部考

禮部考

撫問犒設荆襄將士口宣

有勅卿等奮忠許國探甲臨邊暑往寒來暴露良苦
有懷制閫茲選近臣益勉功名用酬恩意今差戶部
尚書新湖北京西路制置使韓仲通撫問荆襄將士
其犒設依兩淮宣諭司體例支給想宜知悉

賜三省官滿散天申節道場香口宣

有勅朕孝仲蠖濩瑞接虹流卿等集朱紫於周行達
緇黃之善頌名薰有賜神筴斯增今差某官賜卿等

禮部考

禮部考

香相宜知悉

賜樞密院官滿散天申節道場香口宣

令行九夏節紀千秋有若樞機之賢式嚴蓬貝之祝
芬香是錫福祉斯迎

賜殿前司滿散天申節道場香口宣

六幕迎薰千齡紀節有若羽林之將載嚴貝葉之宮
錫爾寶芬助予孝治

賜皇子鄧王慶王恭王滿散天申節道場香

口宣

玉卮講家人之禮金簡受仙官之祥惟時玉邸之賢

能盡孫枝之孝寶薰是錫壽祉斯崇

撫問賀允中到闕并賜銀合茶藥口宣

御驅馳道路密邇郊闕迺將恩筐之頒往問行驂之
次用申眷待益輔祿調

賜趙密辭免少保不允批荅口宣

卿枕戈之久解紱而歸已出褒章用光晚節搗文可
略拜命勿遲

賜少保致仕趙密告口宣

卿艱辭官路歸趙家園緬懷百戰之勞已陟三孤之
貴出綸有賜承命為榮

皇朝通志卷之六

二

三

賜賀允中辭免同知樞密院事斷來章批荅
口宣

載稽夙望誕布明綍外筦斗樞茂經天緯輿情相慶
冲節可蠲

賜湯思退口宣

卿鼎席望尊籌帷慮審不改燹調之職俚專摠統之
權已告昕庭宜祗茂渥

賜楊存中辭免同都督斷來章批荅口宣

朕疇咨良帥共督諸軍庶有橐弓之期遂臻奠枕之
治往圖躋績勿事撓辭

賜皇子鄧王慶王恭王滿散會慶節道場香

口宣

卿竭孝蘭陔歸誠蓮刹介八千春之眉壽緜十二部
之尊經爰賜寶芬益嚴勝會

賜三省官滿散會慶節道場香口宣

卿等虔集朝紳存崇法席式介誕彌之祉庸知弼亮
之忠宜錫珍芳用成寶供

賜三衙滿散會慶節道場香口宣

卿等輸忠衛戟展敬名藍欲崇箕翼之符廣集乾心
之祉迺加頒錫以助薰嚴

冊禮卷之六

三

并

賜樞密院官滿散會慶節道場香口宣

卿等恭趨仁宇肅展淨筵慶彌月之佳辰申後天之
善祝具知忠範爰錫名薰

撫問王之望到闕并賜銀合茶藥口宣

卿久問兵甲來歸廟堂次舍之間神明所護宜有恩
盼之寵以咨優薄之勞

賜趙密落致仕權殿前司職事告口宣

朕疇咨一老復衛千廬士氣既增輿言咸慝宜祗綸
命庸副眷懷

賜王之望辭免參知政事斷來章批荅口宣

卿學擅洽聞材堪大任茲陟鈞衡之貳甚諧中外之
瞻宜視秩章遂蠲來牘

郊祀畢宣勞將士口宣

朕修報觚壇逆釐齋幄衛社賴六師之武周廬闕三
宿之勞式對嚴凝良深嘉獎

撫問少保恩平郡王璩到闕并賜銀合茶藥
口宣

卿比趨召節來相郊禋蒙冒霜威馳驅江路庸推朕
式以示眷私

傳宣撫問宣押陳康伯赴行在口宣

盤洲文一六

四

王

朕焦勞宵旰注想儀刑申遣使瑞往迎召駟所期倍
道以副虛懷

賜湯思退提舉太平興國宮告口宣

卿存騰需續祈解冢司載嘉勇退之風莫遂挽留之
意茲朕制渥宜體媿懷

賜楊存中都督江淮軍馬告口宣

邊塵方起闔制非輕賴總督之得人能掃除而安國
已朕褒律宜服渙恩

撫問張綱到闕并賜銀合茶藥口宣

卿虔趨一節密次九闔宜飭使貂往詢來駟恩朕有

式眷倚惟深

撫問陳康伯到闕并賜銀合茶藥口宣

卿不憚三冬載馳千里副吾論相之意知汝致君之忠宜有恩盼用申眷遇

賜錢端禮辭免簽書樞密院兼提舉德壽宮

斷來章批荅口宣

比稽輿論俾陟有廷仰以奉於慈闈遠欲清於邊陲宜祇茂命勿治搗章

賜虞允文辭免同簽書樞密院事斷來章批

荅口宣

續通志卷一百一十四

五

朕延登邦傑進列機廷所賴遠謀以排外侮宜有忠報勿治搗詞

賜陳康伯告口宣

朕眷求元老復位上台輿望道歸妖氛自卻宜膺書贊以展經綸

宣押陳康伯赴都堂治事口宣

朕延想柱石有如渴飢行旆非遙我心則喜申戒詔璫之使趣臨政事之堂勿復越趨用酬眷倚

賜陳康伯批荅口宣

卿跋履川谷肯爲朕來整頓乾坤誰出卿右其展經

綸之蘊勿脩搗避之文

撫問楊存中賜金合藥口宣

卿久督戎旃茲周歲籥念風威之屢薄知幕府之勤勞爰出恩盼用資營護

撫問諸大帥并賜鞍馬口宣

歲律將更邊城良苦分禁閑之上駟助戎幕之神旗祗服恩盼益思忠報

賜錢端禮斷來章批荅口宣

卿望高兩地象應三階掌朝政於中臺本兵權於西府當酬眷倚母守謙搗

賜虞允文斷來章批荅口宣

卿學蓋尊主材堪謀國進躋樞貳益起巖瞻宜體批章遂蠲沖牘

賜王剛中斷來章批荅口宣

比采師言俾登宥地乾綱獨斷渙命已行當諒至懷勿拘遜禮

賜蒲察乂安告口宣

卿比逢郊類獲相盛儀厥有明綸用敷祭澤徃其祗服思稱龍光

賜吳璘告口宣

卿擁旄乘塞卓馬造朝爰舉徽章用盼褒律亟其祗服式副倚毗

賜吳璘辭免太傅新安郡王不允斷來章批
荅口宣

朕消辰之吉敷命于庭褒荅元勳諧契輿論其祗茂
渥遂寢撫文

賜王彥加恩告口宣

朕比講郊禋普推祭福若時虓將宜出綸言用示眷
懷亟其祗服

賜三省官滿散天申聖節道場香口宣

卿等萃于官於仁宇祈萬壽於 慈庭以若忠勤深
嘉尚名薰之賜法會是崇

賜三衙滿散天申聖節道場香口宣

卿等庀職周廬輸忠報上開梵宮之法席祝
慈殿之遐齡爰錫寶薰用嚴勝會

郊祀畢端誠殿受賀樞密宣荅宰臣詞

有制朕惕奉慈謀肇禋吉土賴上台之顯相協吉日
以消成翁受厖禔言旋清蹕禮成之慶與卿等同之
端誠殿宣荅樞密詞

朕黃流假廟紫燎充壇惟元祀之熙成賴鴻樞之陪

輔

端誠殿宣答亮軍詞

朕嗣守邦圖初修郊類賴爾干戈之衛肅無柱柱之
諱已受神釐遂迴詔躡

麗正門肆赦宣答宰臣詞

燔柴泰時接風馬之靈旂旌軫端闈霽星雞之渥澤
敷錫之慶與卿等同之

賜四川宣撫使吳璘夏藥勅書

五月四日

勅吳璘卿權尊帥闡威震坤維當鏢石流金之時勞
鍛甲摩劍之事遠盼珍劑庸也懷今賜卿銀合夏

卷之二十一

八

才

藥并統制統領將佐官屬並依年例分賜仍傳宣撫
問故茲示諭想宜知悉夏熱卿等各比好否遣書指
不多及

賜保信軍官吏軍民僧道耆壽等示諭勅書

勅保信軍官吏軍民僧道耆壽等朕以張浚宣力于
外閱時茲多眷惟耆哲之臣閔勞軍旅之事趣來歸
而調燮迺懇請於退休已疏異等之恩特寵三孤之
上相收樂土畀以節旄諒草木之知名必室家之相
慶今特授張浚少師保信軍節度使判福州依前魏
國公加食邑一千戶食邑實封四百戶故茲示諭想

宜知悉夏熱汝等各比好否遣書指不多及

賜南平王李天祚曆日勅書

朕欽天治曆稽古頒常仰齊七政之文用協九疇之
叙瞻言南服夙慕華風欲知來歲之宜當講新書之
錫諒循月令以格時和

回賜南平王李天祚勅書

卿奉藩丹徼慕義清朝拜覃渥之褒綸馳方輸之珍
物備殫忠恪深用歎嘉

賜階文龍州經略使吳拱等夏藥勅書

卿蒙犯隆暑勤勞極邊城池斯固於金湯介胄或生

於蟻虱匪盼有式注想不惑

賜湖北京西路制置使虞允文淮東西路宣

諭使錢端禮王之望夏藥勅書

卿潛筭折衝皇華護塞寬吾旰食勞汝暑行迺盼賜
式之珍以助生經之衛

賜福建路安撫使張浚夏藥勅書

卿甫離揆路借重价藩當炎赫之御辰恐驅馳而失
叙迺分良劑用輔生經

賜荆湖南路安撫使黃祖舜夏藥勅書

卿在時舊德爲國長城當三夏之災暉念重湖之卑

濕爰舉匪頒之式庶迎善晉之休

賜江東安撫使汪澈銀合臘藥勅書

卿遠擁帥牙時當寒齋雖有神明之相豈無厦薄之勞爰出恩盼用資頤嗇

賜江東安撫使汪澈銀合夏藥勅書

卿譽偃朝紳權尊宮籥茲履長贏之序恐違畜養之宜爰錫上奩用盼溫檢

賜御前都統制郭振等銀合夏藥勅書

卿權尊制閫任重干城式當炎燠之辰或有晦明之疾宜頒良劑用表憺懷

賜四川制置使汪應辰銀合夏藥勅書

卿遠開幕府靜鎮坤維幸臨九夏之時宜有萬金之劑爰推賜式用示眷懷

賜吳璘夏藥勅書

薰風入律畏日流金豈無霑汗之勞宜有衛生之助庸盼珍劑以表眷懷



盤洲文集卷第十七

內制七



皇朝
內制
卷十七

太上宮介福殿開啓

太上皇帝本命道場青詞

維年月朔日嗣天子臣名恭遇

光堯壽聖太上皇帝本命之辰謹遣某官命道士二

十一人於太上宮介福殿開啓靈寶道場一晝夜滿

散設醮一百二十分位點上生命燈一壇謹上啓

聖位伏以風薰紀序逶慈闈元命之辰星度垂光崇

眷筭長生之祉颺輪在上慈榮笈具陳庶通格帝之誠

盤洲卷十七

一

王定之

獲盡事親之孝臣無任

太一宮齊明殿開啓 天申節道場青詞

伏以仰東井之躔斯臨永晝竭南陔之養更慶誕辰

虔叩曾穹肅陳法席所冀博臨之况益崇難老之祥

萬壽觀純福殿開啓 天申節道場青詞

伏以電樞稽瑞垂金鑑於千秋雲陞臚驩上玉卮之

萬壽寶壇夙啓秘笈屢繙更迎滋至之休永介無疆

之祉

南郊奏告天慶觀報恩光孝觀青詞

伏以燔黍時之柴將迎長至降昕庭之札已肅前期

仰觀博臨助成昭報

南郊奏告元天大聖石青詞

伏以事先稽古禮大報天將陟頌祇之堂初歛棲真之宇乞靈藥御集祉觚壇

郊祀奏告天慶觀青詞

伏以被神立而稱祀將講盛儀款琳宇以告期仰徽嘉貺惟乾坤之所助幸雨雪之不逢虔布忱衷覬踰熙事

太一宮郊祀預告祈晴青詞

伏以先庚假廟將嚴薦裸之儀萬衛道郊遂展燎熏

歷代志卷之七

二

卷之七

之報仰觀神明之祐俾無雨雪之虞淵鑿不違稷咨斯備

太一宮郊祀前七日預祈晴霽青詞

伏以卜獻歲之上辛逢元日之吉亥始嚴廟裸遂舉郊柴仰觀乾坤之休俾無風雨之阻

太一宮郊祀畢謝晴青詞

伏以卜辛日而用郊陟午階而奠幣神明所相雨雪不逢既竣事以逆釐敢儲精而拜况

萬壽觀純福殿開啓

太上皇帝丁亥本命道場青詞

伏以慈宮增德沓迎神筵之休商律題期旋次命元
之紀虔遵冲式誕啓清壇仰徽金簡之光長上玉卮
之壽

太一宮介福殿

太上皇帝丁亥本命道場青詞

伏以葭律吹灰初屆清商之候奠階視蔭斯推始命
之辰仰淵覆之無私為慈庭而有禱庶迎帝祉式介
皇齡

太一宮介福殿開啓

壽聖太上皇后生辰道場青詞

皇朝文獻通考

卷三

三

伏以日臨西陸澄景甚休天佑南陔純坤有慶肅延
真御前被祕庭仰繫覆壽之仁丕錫熾昌之福

萬壽觀純福殿開啓

太上皇帝丁亥本命青詞

伏以天運無窮臨旻秋之季月日躔有次慶基命之
元辰延飛馭於蒼圓介壽祺於慈殿仰徽靈貺永祚
昌圖

太一宮介福殿開啓

太上皇帝丁亥本命道場青詞

伏以氣動潛葭撥抄秋之懿律慶流慈宸推正命之

休辰載被邃庭聿陳馨醮仰導信基之福益增神筭
之符

茅山崇禧觀啟建會慶節道場青詞

伏以日臨川木之津聿逢誕序天闢三茅之洞爰啟
清壇仰延飈御之光具繹琅函之祕庶臻保右永錫
熾昌

萬壽觀純福殿蒲散會慶節道場青詞

伏以良月就盈斯逢誕序上天佑德已錫蕃釐法會
備成真科有考更賴照臨之施咸躋仁壽之隆

太一宮崇禧殿蒲散會慶節祝

太上皇帝

太上皇后壽道場青詞

伏以肇寒律於三夕聿臨初度祝慈庭之万壽仰叩
上圓願迎榮笈之休式展蘭陔之報

太一宮介福殿開啓

太上皇帝丁亥本命道場青詞

伏以天象蓋高神心善應屆慈庭之元命啓祕宇之
清壇仰祈顧諟之私增昇熾昌之福

萬壽觀純福殿開啓天申聖節道場青詞

伏以伯趙司至氣和吹律之中華渚流虹節紀稱觴

之次夙陳法席仰介慈齡更迎覆育之休永錫壽臧
之社

太一宮為民間疫癘祈禱道場青詞

伏以高高在上不冒綿區林林而群仰依洪造茲履
炎歊之序尚多疢癘之人爰於靈壇大開醮席敢覬
甄陶之施咸收藥石之功

蒲散青詞

伏以天降之災或止雨暘之候民殃於疫遂多哭泣
之聲茲啓清場已周法會仰祈慈覆益賜嘉生

太一宮蒲散會慶節祝

太上皇帝

太上皇后聖壽道場朱表

伏以壇開靖館儀訖沖科虔布誠心幾九閻之格帝
永伸孝養以四海而奉親

郊祀奏告天慶觀蒲散朱表

伏以律對黃鍾續改作節
迓青遠報伸紫時肅清場而先告
秩元祀以非遙仰集美光慶成鉅典

太一宮蒲散 天中節道場朱表

伏以儀備清壇福徵寶笈復投誠於淵覆願介壽於
慈宮永庇群編丕隆洪祚

萬壽觀蒲散

太上皇帝本命道場朱表

伏以祕館敷筵肅挹飈旂之馭僊科考式具緡寶積
之文仰賴天休常共子職

太一宮蒲散

太上皇帝本命道場朱表

伏以展儀祕殿訖事清場惟悃幅之上通斯高明之
俯格式資道妙永錫意休

太一宮蒲散

太上皇帝本命道場朱表

盤

大

史

伏以哀黃冠之血叶瞻紫極之榮光迎此神釐歸諸
慈壺永對九秋之籥共尊萬壽之觴

萬壽觀蒲散

太上皇帝本命道場朱表

伏以僊科如式寶笈終篇名董縹緲以縈風列炬熒
煌而奪月集殊休於法會隆曼壽於親庭

太一宮蒲散

太上皇帝本命道場朱表

伏以按琅笈之靈科飈旂來下企珠躔之景緯夜漏
已深寶供備成脩齡永錫

崇禧觀蒲散 會慶節道場朱表

伏以被寶席於名山飛密章於穹漢用導麾鴻之祉
式光震誕之期法會備成皇休茂對

萬壽觀蒲散 會慶節道場朱表

伏以寶壇闕月具按冲科菲德動天密迎純嘏更冀
無私之覆益宏有截之休

太一宮蒲散

太上皇帝本命道場朱表

伏以被清祕宇披老直科期帝鑒之不違致皇齡之
有衍永依慈寶共庇涵生

禮部

一

三升

萬壽觀蒲散 天中節道場朱表

伏以協華系統誕聖紀期清場仰接於颺旂冲式已
周於月律茲整再三之祝願臻億萬之祥

太一宮蒲散

太上皇帝本命道場朱表

伏以夕戾欲半夕漏甫中具閱靈籙已修馨供仰徽
天祐永相親闡

太一宮蒲散預告郊祀祈晴朱表

伏以虔被清場具遵洞式敢期默相賜以時暘仰瞻
明概之祥獲受宴娛之祉

萬壽觀蒲散 天申節道場朱表

伏以儀肅清壇福鍾慈殿已匝三旬之式益崇萬壽之祈淵鑒弗違慶圖有賴

太一宮蒲散郊祀畢謝晴道場朱表

伏以寶壇肅啓法會崇成大哉覆燾之私有此清明之賜式迎景貺用庇函生

太一宮蒲散為民祈禱道場朱表

伏以就消棊宇備考刑科薰修已闕於半旬康樂綿於萬井更徵鴻祐盡掃積疴

皇帝賀

皇朝文獻通考

卷八

三十一

壽聖太上皇右生辰表文

伏以清商叶序燦南極之瑞星沙鹿發祥紀東朝之誕節騰懽宮壺降嘏霄垠中賀恭惟德厚儀坤明遵朔日葛之覃兮于中谷以播徽音夏之興也以塗山特書彤史六珈偕老萬壽維祺臣仰奉慈顏欣逢令旦披圖按謀觀芝莖十二之華設席肆筵上椿歲八千之頌

皇后賀郊祀禮成表文

伏以禮講泰垓秩百神而受職澤流端闕歛五福以錫民熙事崇成群倫胥慶恭惟重華協帝下武繼文

肇郊旅而分年偶邊虞而遷日避新陽之近晦蓋遵
藝祖之規卜嗣歲而用辛遂踵

太宗之制况值三朝之始益來四表之驩妾仰儂乾
明猥居坤極際鴻儀之獲考集柔抱以交忻

閏十一月起居櫺宮 諸帝旦表文

伏以柔荔迎時甫踐長於信宿中榆立閏茲告朔之
休辰共惟道邁百王德齊七政扇皇風於有截綿寶
曆於無疆式展孝思敢恭明薦

諸右旦表文

伏以葭吹六琯甫過書雲斗指兩辰斯為附月恭惟

盤洲卷二十一

九

王林

遵光坤則德儂乾儀齊大妣之徽音嗣塗山之逸響
敢虔芳薦式整時思

諸帝望表文

伏以置閏嚴冬歸餘暢月風力已侵於獸炭霜威頗
犯於狐裘恭惟累洽重熙同條共貫紀無前之偉績
垂不拔之元基惕奉燕謀敢陳嘉獻

諸右望表文

伏以寒籥過中斯遇歸奇之象素輪既望載深追遠
之情恭惟沙鹿垂光河雎協詠配紫宸之聖德播彤
管之芳塵式想柔儀宗增孝慕

永祐陵攢宮翻瓦抽換殿柱等畢工告遷

徽宗皇帝神御還殿奉安表文

臣伏以恭繕寢園載新楹栴嚴夙興之香火奉月出之衣冠爰諏吉以寧神異發祥而壽後

奏告

昭慈聖獻顯恭顯肅顯仁懿節皇后表文

伏以土木訖功棟梁除舊企仙園而在望奉大練以來娛仰迪燕寧敢伸絜告

郊祀畢奏謝

聖祖及

上帝表文

伏以始登紫時大報蒼圓奏六變之音率循祲典謹一純之薦丕講彌文慶熙事之消成按沖科而拜况郊祀畢奏謝諸宮觀

帝后表文

伏以慈庭詒燕泰時肇裡用日之辛蓋襲卜郊之制事天靡闕遠超薤野之儀鴻祀既成先猷所相敢伸昭報永迪孚休

南郊奏告

諸陵并攢宮表文

伏以氣迓黃宮禮行泰時有醜協華之德初修報本
之祠顧瞻威神徼求保右

盤洲文集卷第十七



盤洲文集卷第十七

盤洲文集卷第十七

十一

民

之辭願觀風林樹木於石
升心原野黃谷數計恭知有願



六月朔日蝕禮記告天社祝文



伏以累三光之明震驚涼德脩六官之教寅畏格言式遵伐鼓之文敢絜用牲之告

陰雲不見祭謝太社祝文

伏以季夏之朔太陽有眚側身修行未燭其咎雲陰忽興不見薄蝕惟神敷佑敢薦悅誠

修整太廟大殿屋脊及東廊奏告諸室祝文

伏以積雨建瓴太室穿漏載新次蓋已集工師洎日

盤州志

四

之良執邊以告

祭告土地祝文

伏以暑雨盈旬廟瓦毀落乃練時日鳩工繕修神其相之以底終吉

南郊奏告天地祝文

伏以慈闈有命凜乎基業之承陽律惟時肇此郊丘之薦報二儀之况施救百吏之虔共先事貞誠彝章踵故

南郊奏告太社祝文

伏以禮大南郊甫嚴祀典饗行北牖用報神休方誕

告於先期敢絜修於明薦

南郊奏告太稷祝文

伏以禮大郊立甫嚴祀典祠修官稷用報神休方誕告於先期敢絜陳於明薦

南郊奏告

宗廟祝文

伏以受命慈闈承祧累歲始行郊燎之禮將薦廟邊之誠已戒前期敢伸虔告

南郊奏告太一宮十神太一祝文

伏以祀有多儀事尊肆類已誦敕且誕播札書徵福

盤洲志

二

日五

貴神告虔嘉薦

南郊奏告

安穆皇后祝文

伏以三歲一郊累朝故事御圖之始初講彌文欽惟淑靈監此預告

南郊奏告

安穆皇后殯宮祝文

伏以迎休圭景展事觚壇已降札書聿嚴柴燎顧瞻園寢先告吉蠲

南郊奏告南嶽南海南瀆東瀆祝文

伏以祀著邦彝禮尊郊類候一陽於六律秩群望之
百神告此前期厥惟故事

郊禮修飾太廟奏告

祖宗祝文

伏以禮講觚壇祭先宗祏風雨以侵於墻祀斧斤將
易於棟楹茲卜日以告遷覬在天之委社

郊禮修飾

太廟權奉安

祖宗神主祝文

伏以工役已具日時既良廼被齋房奉移匱主仰斷

皇明二十八

二

四

昭假少迪安寧

郊禮修飾太廟奏告

安穆皇后祝文

伏以郊丘之祭宗廟必修易腐撓之榘椽治頽穿之
墻壁動茲斤斧告以亘籩

郊禮修飾太廟祭告土地祝文

伏以郊祭有期繕我太室揆日之吉或斷或圻維土
有神監興茲役

太廟修飾畢工告遷神主還室祝文

伏以載新廟寢已訖工徒諏令且以陳邊奉靈游而

反祐顧瞻在上昭假無疆

太廟殿室畢土奉安祝文

伏以郊崇不遠廟祿為先廼修觀德之宮仰迪寧神之社奉安之吉潔告惟虔別廟改奉安之吉作音微如在

郊祀前二日奏告

太祖

太宗配侑祝文

伏以肅壇時之嚴禋甫迎至景推祖宗而昭配續改

壇時於上辛式遵故誕舉彌文大報有期先事而告

仰祈右序用相休成

皇正外三

四

皇正

太廟祝七祀祝文

伏以卜郊展報假廟薦芳祭咸秩於百神禮先行於七祀靈光來格熙事備成

分祭太社太稷祝文

伏以土穀大神生殖之本茲伸吉報于國之南刺豕割羊壇有邊俎來假來享匪今斯今

土正勾龍氏右稷氏祝文

伏以惟神之靈配食社稷土爰稼穡實尸其功練日報天於郊用牡美芳嘉薦用迪孚休

郊祀奏告五嶽祝文

伏以穆卜天正續改作夏正將郊上園崇嶽我我吐符作鎮敢徼况施濟此明禋

又四瀆祝文

伏以郊丘之日曾不三旬續改作兼旬有赫瀆祗靈光如在敢徼陰相俾訖嚴禋

改郊奏告天地祝文

伏以秩元祀於觚壇初伸大報候初陽於嶰簫將講盛儀會邊禋之不寧懼齋心之有關惟

甄祖避近晦之日至

太宗行上辛之郊稽此前規卜之首夏覬乾坤之錫

盤州志

五

四

社使疆場之銷兵庶竭忱誠遂成熙事

奏告宗廟祝文

伏以郊類有期邊塵遽起仰遵祖武改卜長贏之初敢覬神休克展泰元之報

安穆皇后祝文

郊禋有日邊事忽興憲我前規改之首夏欽惟英淑有以相之

安穆皇后攢宮祝文

始被神立將嚴大報會邊隅之有警恐齋戒之不虔遵改卜之舊章覬如存之陰相

前一日較祭嘉會門神祝文

伏以郊崇在辰皇輿夙駕兩軹之祭昔者有儀于豆于登取羝以薦惟神擁右安行玉蚪

郊祀日分命九宮貴神祝文

伏以受乾坤之降嘏合立澤以薦馨爰修蕙藻之誠用叩飛棊之時異垂冲監獲歲上儀

虜人犯邊用兵奏告四聖五嶽祝文

伏以敵國犯邊尚肆度劉之虐詎徒駐野未收攘郤之功敢布忱誠仰干英鑒胡行奸鬼雖妖祲之結蟠漢箭有神異靈威之佑助假公山草木之力成京觀

皇朝文獻通考

卷六

四十五

鯨鯢之封

奏告顯應觀旌忠觀吳山忠清廟祚德廟祝

文

伏以胡人犯邊迄今三月介冑棊布未有成功虔露忱衷祈于河下先聖之相早遂驅除如公山草木之靈建泥水風聲之績

仲秋薦獻

安穆皇后祝文

伏以時及蕭辰祭修園寢顧瞻咫尺想念平生薦此芬馨歡喜誠意

郊祀前二日景靈宮分詣奏告中後殿祝文

伏以迎日之吉事夫益虔續改作履端之始卜日用辛祭必有尊

祗見發祥之祖禮非敢後分遣侍祠之臣豈矣孝熙

右茲禋祀

景靈宮天興等殿孟秋朝獻祝香文

孟秋屆候法駕親臨恭焚寶香供養

聖祖天尊大帝伏願祀事崇成神休來萃奉慈宮而

同慶躋壽域之咸亨恭薦苾芬載申頌禱稽首歸依

無極大道

壽聖太上皇后生辰功德疏文

盤列三八

七

皇

伏以祥開長樂迓載夙之嘉辰教演真筌起無涯之

勝福具嚴冲式益介慈齡

壽聖太上皇后伏願淵覆護持神光臨燭鮒背鯢齒

慶壽母而永歌象服翟衣偕天王而難老

秦國大長公主出殯祭文

惟靈天津稟瑞帝渚騰輝蘭行桃姿女圖章灼采繁

采藻婦職無虧問我諸姑介然遺老災生寶婺壽不

百年迺瞻素帷無從出涕卜兆有日夕奠是陳尚其

顧歎寄此悲惻

皇帝閣春貼子六首

其一

藻景外曠谷條風拂紫宸只今天一笑萬物認爲春

其二

嶰律春灰動青陽奏雅音上辛元日是郊類合天心

其三

閏接殘年臘春留半月冬雪深田易墾歡喜匝三農

其四

寶勝新幡下九霄千官接武赴春朝玉卮上壽慈顏
喜歲歲年年舜事堯

其五

挽得天河洗塞氛非煙協氣作新春使車已動兵車
息活却生靈百萬人

其六

遐朝講武與修文何暇尋春到玉津桃李不言渾望
幸從來未識屬車塵

皇后閣春帖子五首

其一

雪放梅粧出風嫌花信遲發生皆帝力載物本無私

其二

池面冰漸破潛魚聖得知倚欄觀綠鰖流荇欲參差

其三

君王盛德卻紛華六寢娥眉不好奢曾從芝軒看芝
草爭來椒壺頌椒花

其四

裁紅翦翠不為難開盡千花頃刻間德壽宮中雕輦
駐慶雲深處彩衣班

其五

葱葱瑞靄騰椒掖莫莫仁風扇葛覃四海預應期樂
歲六宮今已喜先蠶

隆興二年南郊鼓吹曲

卷之二十八

七

田五

六州歌頭

嚴更永今夕是何年玉衡正鈎陳紫天宇起祥煙協
風應江海安瀾重規仍疊矩 聖主乘乾堯授舜盛
事光前稱壽王卮邊三年親祀一陽回律八鄉承宇
續改作蕃杓東 觚陛紫為壇仰天顏齋居寂誠心肅
轉上辛卜旦 禮容專存鍾石約輿衛五輅不求全聽金鑰虎旅無
眠儼千官頃期顯相嘉籙一人儉德動天淵贊戒大
農錢神示格宗祧燕人民悅祉福正綿綿

十二時

庭有燎疊鼓鳴鼉更問夜如何信星彪列天象森羅

虞旦闕宮畢觴清廟聚柘尊犧繼猗那嘉頌可同科
扈聖萬有摩飭躬三宿泰時綽儀多丘澤合嶽瀆從
曦娥神光燭雲車風馬一作蓋王為珂奉瑄成禮燔
柴跋事休嘉研隱丹闕湛恩波共願乾坤賸社邊鄙
投戈覆孟連瀚海洗甲挽天河欣欣喜色長遇六龍
過奏雲和三脊薦嘉禾

奉禋歌

吹葭緹籥氣潛分雲采宜書壤効珍長日至一陽新

四時玉燭和勻

續改作青陽振蟄氣藉分山掌非煙
煖訪珍年勝舊日逢辛四時玉燭初

勻物欣欣造化轉洪鈞郊之祭孤竹管六變舞雲門

甲五

自古嚴禋犧牲具粢盛絜豆薦陳袞龍陟降幣玉紛
綸徹高闔靈之存神哉沛排歷艮命九歌畢盈郊瞻
樞燎斗轉參橫將旦天開地闢如春清蹕移輪闐然
鼓吹相聞簫祥雲驪驢八陛釐道三神聖矣吾君華
封祝慈宮萬壽椒掖多男六合同文

右三曲嚴更啟壇作

降僊臺

漏殘柝靜鷄聲遠到高燎入曾霄雲裏蟠瑞靄天步
下嘉壇旗旆飄搖黃麾列伏貔貅整氣壓江潮導前
從後盛官僚玉佩間金貂望扶桑日漸高陰霾霜雪

底處不潛消
輦路祥飈披拂絳紗袍
雲間端闕仰岩
堯播春澤喜
浹黎苗禮成大慶
黿三抃受昕朝

右一曲禮畢

皇帝降壇作

正宮導引

重華天子長至

續改作
素時

奉神虞九奏會軒朱星暉雲

潤東方曉拜
旣竹宮初歸來千乘護
皇輿瑞景集金鋪
雞竿高唱恩書下
惠露匝中區

右一曲

皇帝還宮

下

卷十八

十一

五

盤洲文集卷第十八



